

11059



ՀԱՍՏԱՏՈՒՄ ԵՄ՝
Շրջակա միջավայրի նախարար

Համբարձում Մաթևոսյան

«29» 09 2025թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ № 227 - 25

Նախաձեռնող՝

«ՄԼ Մայնինգ» ՍՊԸ

ք. Երևան, Արաբկիր Ն. Ադոնցի փ., 21/3,

Գործունեությունը՝

Արտաշատի ավազակույճագլաքարային խառնուրդի
հանքավայրի 1-ին փեղամասի արդյունահանում
Արարատի մարզ

Առդիր՝ 6 թերթ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ № 227 - 25

«29» 09 2025թ.

Արտաշատի ավազակոպճագլաքարային խառնուրդի հանքավայրի 1-ին տեղամասի արդյունահանման աշխատանքների շրջակա միջավայրի վրա ազդեցության գնահատման հաշվետվություն

Նախաձեռնող՝

«ՄԼ ՄԱՅՆԻՆԳ» ՍՊԸ

Ներկայացված նյութեր՝

Շրջակա միջավայրի վրա ազդեցության
գնահատման հաշվետվություն, նախագծային
փաստաթուղթ
/Ա կատեգորիա/

Գտնվելու վայրը՝

Արարատի մարզ, Արտաշատ համայնք,
Արտաշատ բնակավայր

Ներածական մաս. Արտաշատի ավազակոպճային խառնուրդի հանքավայրի 1-ին տեղամասը գտնվում է Արարատի մարզի Արտաշատ համայնքի Արտաշատ բնակավայրի վարչական տարածքում: Արտաշատ բնակավայրի մոտակա շինություններից 3,0-3,6 կմ հեռավորությունների վրա:

Հայցվող տարածքի հողերն ըստ կադաստրի կոմիտեի կողմից տրամադրված տեղեկատվության հանդիսանում են Արարատի մարզի Արտաշատ համայնքի Արտաշատ բնակավայրի ջրային և գյուղատնտեսական նշանակության հողամասեր:

Համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի (Այսուհետ՝ Օրենք) 12-րդ հոդվածի 3-րդ մասի 2-րդ կետի թ. ենթակետի՝ նախատեսվող գործունեությունը հանդիսանում է որպես Ա կատեգորիայի գործունեության տեսակ:

Նկարագրական մաս. Նախատեսվող գործունեության նպատակն է իրականացնել ավազակոպճային խառնուրդի արդյունահանում: Նախատեսվում է տեղամասը մշակել բաց լեռնային աշխատանքներով: Պաշարների վերականգնման գործակիցն ընդունված է 1 միավոր:

Հանքավայրի շահագործման ժամանակ ընդունված է ընդլայնական ընթացքաշերտերով միակողմանի մշակման համակարգ:



Հանքավայրից (1-С₁, 2-С₁, 3-С₁, 4-С₁, 5- С₁ բլոկներ) օգտակար հանածոյի մարվող պաշարները 20 տարվա ընթացքում կազմում են 3000.0 հազ.մ³, այդ թվում ստատիկ մարվող պաշարները՝ 1- С₁, 2- С₁, 3- С₁, 4- С₁, 5- С₁ բլոկներից համատեղ 2 114 744 մ³, իսկ դինամիկ պաշարները 1- С₁, 2- С₁, 3- С₁, 4- С₁, 5- С₁ բլոկներից համատեղ 885 256 մ³:

Հանքավայրից տարեկան մարվող պաշարները կազմում են 150 000 մ³, ընդ որում 3-С₁ բլոկից 80 000մ³ պաշարներ, իսկ 4- С₁, 5- С₁, 1- С₁, 2- С₁ բլոկներից յուրաքանչյուր տարի ըստ նշված հերթականության մարվելու է տարեկան 70 000 մ³ պաշարներ:

Օգտակար հանածոյի կորզվող պաշարները – 2 880 340 մ³:

Ավազակոպճային կուտակում կոպճի պարունակությունը կազմում է 44.21%, ավազինը՝ մոտ 55.79 %:

Բացահանքերն ըստ բլոկների վերջնական դիրքում ունեն հետևյալ պարամետրերը:

1-С₁ բլոկ

ամենամեծ երկարությունը – 507 մ,
ամենամեծ լայնությունը – 157 մ,
ամենամեծ խորությունը – 4.4 մ,
օտարման տարածքը – 58441մ²,

3-С₁ բլոկ

ամենամեծ երկարությունը – 1025 մ,
ամենամեծ լայնությունը – 420 մ,
ամենամեծ խորությունը – 5.5 մ,
օտարման տարածքը – 364317 մ²,

5-С₁ բլոկ

ամենամեծ երկարությունը – 540 մ,
ամենամեծ լայնությունը – 360 մ,
ամենամեծ խորությունը – 4.0 մ,
օտարման տարածքը – 125227 մ²:

2-С₁ բլոկ

ամենամեծ երկարությունը – 1030 մ,
ամենամեծ լայնությունը – 115 մ,
ամենամեծ խորությունը – 4.4 մ,
օտարման տարածքը – 76547 մ²

4-С₁ բլոկ

ամենամեծ երկարությունը – 439 մ,
ամենամեծ լայնությունը – 318 մ,
ամենամեծ խորությունը – 5.1 մ,
օտարման տարածքը – 101256 մ²:

Բացահանքի ծառայման ժամկետը կազմում է 20 տարի:

Աշխատանքային օրերի քանակն ընդունվում է տարվա մեջ 195 օր, աշխատանքային հերթափոխի քանակը՝ օրվա մեջ 1 հերթափոխ, 8 ժամ տևողությամբ:

Քանի որ օգտակար հաստաշերտն ունի հորիզոնականին մոտ տեղադրում, հանքաշերտի բացումը կատարվելու է բացահանքային դաշտի հարավ-արևելյան մասից 1- С₁, 2- С₁, 3- С₁, 4- С₁, 5- С₁ բլոկների (ամենացածր նիջից) ընդլայնական կտրող խրամի անցումով:

Կտրող խրամի երկարությունը 1- С₁, 2- С₁, 3- С₁, 4- С₁, 5- С₁ բլոկներում կկազմի համապատասխանաբար՝ 260 մ, 86 մ, 180 մ, 220 մ, 110 մ, լայնությունը հիմքի մասում միջինը 8.0 մ, միջին խորությունը համապատասխանաբար՝ 2.54 մ, 2.66 մ, 3.03 մ, 2.96 մ, 2.08 մ:

Մակաբացման ապարները բուլդուզերով կուտակվելու և ավտոինքնաթափով տեղափոխվելու են միջինը 1 կմ հեռավորության վրա գտնվող լցակայաններ:

Արդյունահանված ավազակոպճային խառնուրդի տեղափոխումը մինչև 6կմ միջին հեռավորության վրա գտնվող արտադրամաս կատարվելու է ավտոինքնաթափի միջոցով:



2	4423395.0000	8457660.0000		2	4422452.0000	8458167.0000
3	4423498.8617	8457783.3616		3	4422556.6733	8458302.2031
4	4423364.3233	8457890.3685		4	4422453.6713	8458393.8605
5	4423230.7325	8457954.4007		5	4422308.2555	8458446.9634
6	4423142.3194	8457994.2224		6	4422158.3078	8458501.7212
7	4422979.6407	8458061.2498		7	4422100.7340	8458438.9103
8	4422868.1004	8458107.1873		8	4422193.0833	8458279.5918
9	4422799.6636	8458157.8136		9	4422288.6614	8458136.5484
10	4422732.7256	8458201.3054				
11	4422672.8603	8458240.6181			Բլոկ 5 - C ₁	
12	4422602.0074	8458282.4210			X	Y
13	4422493.0000	8458151.0000		1	4421626.8925	8458820.4008
14	4422380.9035	8458019.3138		2	4421636.0000	8458900.0000
15	4422477.2288	8457898.9844		3	4421562.0000	8459061.0000
16	4422572.6796	8457804.8795		4	4421478.8555	8459218.2334
17	4422724.7104	8457756.5611		5	4421331.7104	8459333.8222
18	4422882.4548	8457733.0701		6	4421303.0000	8459198.0000
19	4423024.6720	8457709.7567		7	4421170.6546	8459117.3088
20	4423116.4095	8457659.2476		8	4421160.5647	8459007.3825
21	4423203.7652	8457603.0553		9	4421286.5114	8458927.1151
				10	4421470.2400	8458885.0135
				11	4421520.9572	8458869.3689

Ըստ հաշվետվությունում եղած տեղեկատվության՝ հայցվող տարածքում ՀՀ բույսերի և կենդանիների Կարմիր գրքերում գրանցված տեսակներ, պատմության, բնության հուշարձաններ առկա չեն:

Շրջակա միջավայրի բաղադրիչների վրա վնասակար ազդեցության մեղմացման/վերացման նպատակով նախատեսվել են փոշենստեցման, թափոնների և կենցաղային աղբի տեղափոխման, կենսաբազմազանության պահպանման վերաբերյալ բնապահպանական միջոցառումներ:

Աշխատանքների իրականացման ընթացքում ընկերությունը նախատեսել է իրականացնել շրջակա միջավայրի վրա բացասական ազդեցության կանխարգելմանն ու մեղմացմանն ուղղված մշտադիտարկումներ, ինչի համար նախատեսված է որոշակի գումար:

Պատճառաբանական մաս. Արտաշատի ավազակոպճագլաքարային խառնուրդի հանքավայրի 1-ին տեղամասի արդյունահանման աշխատանքների շրջակա միջավայրի վրա ազդեցության գնահատման հաշվետվության փորձաքննությունն իրականացվել է «Շրջակա միջավայրի վրա ազդեցության գնահատման և փորձաքննության մասին» օրենքի պահանջներին համապատասխան: Փորձաքննական գործընթացին մասնակցել են շրջակա միջավայրի նախարարության ստորաբաժանումները, առողջապահության, ներքին գործերի, կրթության, գիտության, մշակույթի և սպորտի, պաշտպանության նախարարությունները, կադաստրի, ջրային կոմիտեները, Արարատի մարզպետարանը, Արտաշատի համայնքապետարանը: ՇՄԱԳ



հաշվետվությունը բազմաթիվ առաջարկություններով, դիտողություններով, ուղարկվել է «ՄԼ ՄԱՅՆԻՆԳ» ՍՊԸ-ին լրամշակման, սակայն ընկերության կողմից լրամշակումն իրականացվել է թերի: Մասնավորապես լրամշակված ՇՄԱԳ հաշվետվությունում առկա են եղել անհամապատասխանություններ, այդ թվում՝

1. Պաշտպանության նախարարության, ինչպես նաև կադաստրի կոմիտեից ստացված կարծիքների համաձայն՝ հայցվող տարածքում առկա են ջրային նպատակային նշանակության հողեր, իսկ ՇՄԱԳ հաշվետվությունում հայցվող տարածքը ներկայացված է գյուղատնտեսական նպատակային նշանակության հողերով՝ արոտավայրերով:

2. ՀՀ կառավարության 2008 թվականի հունվարի 10-ի «Հայաստանի Հանրապետության տարածքում Արաքս գետից գետավազի արդյունահանման կարգը հաստատելու մասին» N 18-Ն որոշման 6-րդ կետի պահանջների համաձայն՝ Արաքս գետում գտնվող ողողատային տիպի հանքավայրերից գետավազի արդյունահանումը թույլատրվում է գետի ողողատների 2-րդ դարավանդից և հանքավայրի արտադրողականությունը չի կարող գերազանցել տվյալ տարվա ընթացքում ջրի հոսքով կուտակված չափաքանակը: Նշվածն ապահովելու համար նախագծում և ՇՄԱԳ-ում չեն ներկայացվել համապատասխան հիմնավորումներ՝ Արաքս գետի հիդրոլոգիական բնութագրերով պայմանավորված:

3. Հաշվետվությունում մակաբացման ապարները ներկայացված են որպես հաշվեկշռային պաշարներ, իսկ «Թափոնների մասին» օրենքի 4-րդ հոդվածի համաձայն՝ մակաբացման ապարները ոչ հաշվեկշռային պաշարներին դասվող օգտակար հանածոներ են, որոնք ենթակա են հատուկ հատկացված տեղեր փոխադրման:

4. Հաշվետվության փաթեթում ներկայացված է հակասական տեղեկատվություն հայցվող տարածքից գետի հեռավորության վերաբերյալ: Հաշվետվությունում նշված է, որ հանքավայրը գտնվում է գետից 26-170 մ հեռավորության վրա, իսկ համաձայն նախագծային փաստաթղթի և թափոնների կառավարման պլանի՝ հանքավայրը գտնվում է Արաքս գետի ողողահունում, տարածքը կապված է ոչ թե ողողատային, այլ «Վերհունային դարավանդի» առաջացումների հետ, ինչը կարող է հանդիսանալ խոչընդոտ շահագործվող տեղամասերի պաշարների վերականգնման համար՝ վերականգնման 1 գործակցով (մասնավորապես՝ «Բլոկ 3-Ը», «Բլոկ 4-Ը» բլոկների համար):

5. ՇՄԱԳ հաշվետվությունում նշված է, որ կառուցվելու են ափապաշտպան կառույցներ, սակայն նախագծային փաստաթղթում, հաշվետվությունում, գծագրական նյութերում դրանց նախագծային լուծումները բացակայում են: Ափապաշտպանի կառուցումը՝ ՀՀ կառավարության 2011 թվականի մարտի 24-ի «Հանքային իրավունք ունեցող կազմակերպությունների միջոցներով Արաքս գետի քայքայված ինժեներական կառուցվածքների վերականգնման առաջնահերթությամբ պայմանավորված՝ գետավազի արդյունահանման հետ կապված խնդիրները կանոնակարգելու մասին» որոշման 1-ին մասի պահանջ է:

6. Չի ներկայացվել տեղեկատվություն գործունեության կամ հարակից տարածքներում ջրանցքի առկայության (համաձայն տեղագնման արդյունքների և ներկայացված իրավիճակային հատակագծի), հայցվող տարածքից վերջինիս գտնվելու հեռավորության, պահանջվող անօտարելի գոտու, արդյունահանման աշխատանքների ընթացքում ջրանցքի վրա հնարավոր ազդեցությունների և մեղմացնող միջոցառումների վերաբերյալ:



7. Փորձաքննական գործընթացում «ՇՄԱՓԿ» ՊՈԱԿ-ի աշխատակիցների կողմից իրականացվել են տեղազննման աշխատանքներ ՇՄԱԳ հաշվետվությունում առկա տեղեկատվության և փաստացի իրավիճակի հետ համապատասխանությունը պարզելու նպատակով: Տեղազննման արդյունքում պարզվել և դիտարկվել է, որ Արաքս գետից նվազագույն հեռավորությունը կազմել է 20 մ, տեղ-տեղ գետի հունը գտնվում է 5-8 մետր խորության վրա, գետի երկայնքով առկա են ծառեր և թփեր (համաձայն Ընկերության հիմնավորման՝ պաշտպանիչ բնամասի տեսքով), ինչի պարագայում գետի ջրով ողողումը և պաշարների վերականգնումը ոչ իրատեսական է: Հակառակ դեպքում արդյունահանման արդյունքում բացահանքերից առաջացող փոսերի վերաբերյալ հաշվետվությունում բացակայել է տեղեկատվությունը:

Հաշվի առնելով վերոնշյալ հիմնավորումները և առաջնորդվելով ՀՀ Ջրային օրենսգրքի 99-րդ հոդվածի, ՀՀ կառավարության 2008 թվականի հունվարի 10-ի «Հայաստանի Հանրապետության տարածքում Արաքս գետից գետավազի արդյունահանման կարգը հաստատելու մասին» N 18-Ն և 2005 թվականի հունվարի 20-ի «Ջրաէկոհամակարգերի սանիտարական պահպանման, հոսքի ձևավորման, ստորերկրյա ջրերի պահպանման, ջրապահպան, էկոտոնի և անօտարելի գոտիների տարածքների սահմանման չափորոշիչների մասին» 64-Ն որոշումների պահանջներով, Արտաշատի ավազակոպճագլաքարային խառնուրդի հանքավայրի 1-ին տեղամասի տարածքում նախատեսվող գործունեության իրականացումը կառաջացնի ջրային ռեսուրսի, գետային էկոհամակարգի և բնական լանդշաֆտի հավասարակշռության խախտում:

ԵԶՐԱՓԱԿԻՉ ՄԱՍ

Ելնելով վերոնշյալ հիմնավորումներից՝ «ՄԼ ՄԱՅՆԻՆԳ» ՍՊԸ-ի կողմից փորձաքննության ներկայացված Արարատի մարզի Արտաշատի ավազակոպճագլաքարային խառնուրդի հանքավայրի 1-ին տեղամասի արդյունահանման աշխատանքների շրջակա միջավայրի վրա ազդեցության գնահատման հաշվետվությանը տրվում է պետական փորձաքննական բացասական եզրակացություն:

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի տնօրենի պարտականությունները կատարող՝

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի առաջատար մասնագետ՝



Հերիքնազ Մկրտչյան

Գոհար Մինասյան